


富歸州堂醫學叢書



銅人鍼灸經卷之五



竅陰二穴在完骨上枕骨下足太陽少陽之會主骨疽

發厲項痛引頭也灸五壯鍼入三分

金人金匱要略
浮白二穴在耳後入髮際一寸足太陽之會主寒熱喉痹欬逆疝積胃中滿不得喘息胃痛耳聾嘈嘈无所聞頸項癰腫不能言及癭肩不舉也鍼入三分灸三壯

附分二穴在第二椎下附項內廉兩傍各三寸手足太陽之會主背痛引頷灸五壯鍼入三分

魄戶二穴在第三椎下兩傍各三寸宛宛中正坐取之足太陽脈氣所發主背脾悶无氣力勞損痿黃五尸走疰項强不得回顧鍼入五分灸亦得

神堂二穴在第五椎下兩傍各三寸陷者中正坐取之

足太陽脈氣所發主肩痛臂腹滿洒淅反脊強急灸
五壯鍼入三分

腧二穴在肩髃內廉第六椎兩傍三寸其穴抱肘取
之足太陽脈氣所發因以手痛按之病者言譫譫鍼
入六分主溫瘧寒瘧病瘧背悶氣滿腹脹氣眩灸二
七壯忌菹白酒

膏肓俞二穴主无所不療羸瘦虛損夢中失精上氣欬
逆狂惑忘誤取穴之法令人正坐曲脊伸兩手以臂
著膝前令正直手大指與膝頭齊以物支肘勿令臂
得動搖從胛骨上角摸索至骨下頭其間當有四肋

三間灸中間依胛骨之裏去胛骨容安指許摩脇去
表肋間空處按之自覺牽引於肩中灸兩胛中一處
至六百壯多至千壯當覺下齶齶然流水之狀亦當
有所下出若得痰疾則无所不下也若病人已困不
能正坐當令側臥俛上臂令前取穴灸之求穴法大
校以右手從左肩止住指頭所不及者是也左亦然
乃以前法灸之若不能久坐當伸兩臂令人挽兩胛
骨使相離不爾胛骨覆穴不可得也所伏衣襪當令
大小有常定不爾則失其穴也此灸訖後令人陽氣
康盛當消息以自補養當取身體平復其穴近第五

椎望取之也。論曰昔在和緩不救晉侯之疾以其在膏之上盲之下鍼藥所不能及卽此之穴是也人不能求得此穴所以痼病難追若能用心此方便求得灸之无疾不愈

髀關二穴在第七椎下兩傍各三寸陷者中正坐取之足太陽脈氣所發主背痛惡寒脊強俛仰難食不下嘔噦多涎唾也灸五壯鍼入五分

魂門二穴在第九椎下兩傍各三寸陷者中正坐取之足太陽脈氣所發主食飲不下腹中雷鳴大便不節小便赤黃也灸三壯鍼入五分

陽剛二穴在第十椎下兩傍各三寸正坐取之足太陽

脈氣所發主食不下腹中雷鳴大小便不節黃水灸

三壯鍼入五分

意舍二穴在第十一椎兩傍各三寸正坐取之足太陽

脈氣所發主腹滿虛脹大便洩滑消渴面黃灸五十

壯甲乙經灸三壯鍼入五分

胃倉二穴在第十二椎下兩傍各三寸主腹內虛脹水

食不消惡寒不能俛仰鍼入三分灸五壯

胃門二穴在第十三椎下兩傍各三寸異經云與鳩尾

相直主心下盲大堅婦人乳有餘疾灸三十壯鍼入

五分

志室二穴在第十四椎下兩傍各三寸正坐取之足太陽脈氣所發鍼入五分灸三壯主腰脊痛急食不消腹中堅急陰痛下腫並療之

胞育二穴在第十九椎下兩傍各三寸陷者中伏而取之足太陽脈氣所發主腰脊痛急食不消腹中堅急陰痛下腫並療之療惡氣腰背卒痛灸五七壯甲乙經灸三壯鍼入五分

秩邊二穴在第二十椎下兩傍各三寸伏而取之足太陽脈氣所發主腰痛不能俛仰小便赤黃尻重不能

舉灸三壯鍼入三分



頤厭

二穴在曲蹠顙顙上廉手足少陽陽明之交會刺

入三分灸三壯主風眩目无所見偏頭痛引目外眦

急耳鳴好噎頸痛

客主

二穴在耳前上廉起骨開口有穴動脈宛宛中一

名上關足陽明之會主瞳目風牙疼痛牙車不開口
噤嚙食偏風眼喎通睛耳聾狀如蟬聲鍼入一分灸
七壯艾炷如筋頭大必須側臥張口取穴避風又上
關不得深下關不得久留鍼問曰上關何以不得深
下關何以不得久留鍼荅曰上關若深令人得欠不
得欬且隨鍼髓下關不得久留鍼者得欬不得欠牙
關急是故上關不得深下關不得久留鍼

懸顙

二穴在曲周顙顙中足陽明脈氣所發主熱病偏

頭痛引目外眥身熱煩滿汗不出齒痛面皮赤痛鍼

入三分灸三壯

肩井

二穴在肩上陷罅中缺盆上大骨前一寸半以三

指按之當其中指下陷者中是穴一名髃井手足少陽陽維之會主五勞七傷頭項不得回顧背髃悶兩手不得向頭或因馬拗傷腰髓疼腳氣入鍼四分不宜灸鍼不得深深卽令人悶甲乙經云鍼只可五分此髃井脈足陽明之會乃連入五藏氣若深則引五藏之氣乃令人短壽大肥人亦可倍之若悶倒不識人卽須三里下氣雖不悶倒但鍼髃井卽須三里下氣大良及婦人懷胎落訖覺後手足厥逆鍼肩井手

足立差若有灼然解鍼者遣鍼不解鍼者不可遣鍼
灸乃勝鍼日灸七壯若鍼肩井必三里下氣如不灸
三里卽拔氣上其鍼膊井出甄權經

肩髃

二穴在膊骨頭肩端兩骨間陷者宛宛中是平手
取其穴手陽明躄脈之會鍼入八分主療偏風半身
不遂熱風疹風胃俛仰風刺風風虛手不得上頭捉
物不得挽弓不開臂細无力酸疼臂冷而緩患刺風
者百日刺筋百日刺骨方可得瘳灸亦得然不及鍼
遂以平手取其穴日灸七壯養爲度

臂臑

二穴在肩髃下一分兩筋間兩骨罅陷者宛宛中



宜灸不宜鍼日灸七壯主療勞瘵臂細无力手不得
向頭其穴平手取之不得拏手令急其穴卽閉若鍼
不得過三五過多生惡

曲池二穴者土也在肘外輔骨曲肘橫文頭宛宛中陷
者是手陽明脈之所入爲合也手拱臂取之如畔文
頭卽是療偏風半身不遂刺風疹疼痛冷緩捉物不
得挽弓不開屈伸難引脈風臂肘細而无力鍼入七
分灸亦良但令斷風抽氣而已

通谷二穴在夾上管兩傍相去三寸衝脈足少陰之會
治乾嘔又无所出又治勞食欲鬲結鍼入五分灸五

壯

章門

二穴一名長平一名脅腧是脾之募在大橫外直

臍季肋端必須側臥伸下腳縮上腳乃得穴足厥陰
少陽之會主膀胱氣癰疽痼氣膀胱氣痛狀如雷聲
積聚氣鍼入六分灸亦良

伏兔

二穴在膝上六寸起肉正跪坐取之足陽明脈氣

所發治風勞痺逆往邪膝冷手節攣縮身隱胗腹脹
少氣婦人八部諸病鍼入三分禁灸

陰市

二穴一名陰鼎在膝上三寸伏兔下是穴足陽明

脈氣所發主寒疝下至腰腳如冷水小腸諸疝按之

在膝上伏兔下寒疝腹脹滿痿厥少氣鍼入三分灸三壯

犢鼻二穴在膝臑下胛俠罅大筋中足陽明脈氣所發主犢鼻腫洗熨去之其久堅勿攻攻者死膝中痛不仁難跪起諸腫節潰者死不潰可療鍼入三分灸三壯

委中二穴者土也在膕中央約文中動脈甄權云在腘湫內兩筋兩骨中宛宛是足太陽脈氣之所入爲合也令人面挺腹地而取之主腳弱无力風溼痺筋急半身不遂灸不及鍼鍼入八分灸三壯

三里二穴者土也在膝下三寸胫外廉陷者宛宛中是足陽明脈之所入爲合也主腰滿堅塊不能食痛氣不足反胃脅積氣腳弱鍼腹背每須去三里穴入八分灸亦良

銅人鍼灸經卷之五

錢塘丁

申校槩

